

Brambrüeler

Ausschnitte aus dem Programm 2011

Dr Lumengo hätt im Grossrot d'Stimmig trüabt
Hätt sini Unterschrift uf lära Zättel güabt
In Angola wär er trotzdem noch integer
Doch bi üs bisch so im Umzug nur dr Neger

Im Welschdörfli gohts da Nüttli richtig schlächt
Irgendwia wenn halt dia Freier nümme so rächt
As zahlt doch kaina meh zwai Läppa – stell dr vor
As git jo gratis Stossverkehr am Obertor

Im WM Slalom fahrt dr Silvan völlig gschlucht
Hätt sini ganzi Kraft im Hotel scho verbrucht
Nur dr Cüsche fahrt uf's Podescht dä hätt kai hänger
Wenn OVI sufsch magsch halt aifach länger

D'Nella stirbt sit Johra schinbar nur für d'Press
Jetzt macht sie Moorbadkura – das verzellt sie kess
Dia nützen nüt – so tuat dr Doggter klöna
Doch kann sich d'Hut scho an füächti Erda gwöhna

Han miner Schwiegermuater rohi Eier gschenkt
Das Dyoxin bringt mi zur Erbschaft han i dänkt
Doch isch de Dracha resischtent – das isch doch krass
Jetzt gits halt Rollschuah und sie muass zu „Wetten Dass..?“

Mini Frau hätt zwenig Holz vor dr Hütta
Do bin i grad zum Meyr-Melnhof go lütta
I han glüttet glüttet – göffnet händs mer nitta
Drum hätt dia Alt au hüt no klini Titta

Dr Kachelmaa de redet wirr - de kasch vergässa
So khunts wenn Aktimel dr ganzi Tag tuasch frässa
Prognosa für da Knascht dia tönt denn au nid fein
Ein steifer Tiefdruck kommt geballt von hinten rein

I triff dr Shiva Maik - in Kandersteg
Er well uf d'Blüemlisalp und fragt mi nach em Weg
Das erklär dr gern du muasch miar nid mol danka
Für di koschts pro Minuta 7 Franka

Der Silvio kunnt ins Ginnesbuach – ehrawort
Bim Hosa abaloh - heg er dr Weltrekord
Bir Viagrafrog - plöfft dr Berlusconi
wenns a Schriffti trägen - jo denn gängs au ohni

Üsi kriminella Gäscht könns nid verstoh
Sie müand bald Abschied näh und üseres Land verloh
Drum werden jetzt – wer hätti das denn glaubt
im Manor praktisch nur no Reisekoffer klaut

D'Churer Taxifahrer händ jetzt nüt meh z'lacha
a Dütsch und Ortskenntnisprüafig müands jetzt macha
Das mit em Dütsch findent miar doch allerhand
S'git bald kai Taxifahrer meh - vum Oberland

Dr Sohn vum Tschugger khunt zum Papa hära
Und frogt „heh kasch Du miar das Iphone do erklära?“
Wenn i das khönt sait dä und nimmt a Schluck Passugger
Dänn wär i ganz beschtimmt kai Khurer Tschugger

I han a Raser überholt und fründlich gwunga
Do git dä no meh Gas – es hätt em sichtlich gschtunka
Er khunt ins schleudara – i gseh das no vo fern
Dänn i hock jo im Zug und fahr nach Bern